

學國學叢書

葉玉麟選註

國



語

商務印書館發行

24

選註者 葉玉麟
主編者 王雲五
朱經農

學 生 國
叢 書

國

語

商務印書館發行

例言

一是編取國語全書，纂輯菁華，共錄文五十四章，以津逮初學。每章之首，本無題目，今依先輩選國策之例，皆以其首句列爲目次。學者如欲觀其全，除韋氏解外，近代若吳興沈鎔之詳註，徐元誥之集解，雖尠剏獲，不妨互參，藉資攷證。

一凡所錄舊注，則不復詳姓氏，其獨抒心得，闡明奧義者，乃各書姓氏於上。國語所載事，多與內傳相同，故是編徵引內傳以附益之，便學者稽古之助。國語刊本叢雜，是編皆依宋天聖明道本，而又以諸家刊本考定之。

緒言

漢鄭衆作國語章句，賈逵著解詁，其後有王肅章句，虞翻，唐固，韋昭，並傳註釋。以及孔晁之春秋外傳，宋庠之補音，尙矣。清季如王引之，汪中，段玉裁，錢大昕，惠周惕，陳奐，黃丕烈之札記，姚鼐之補註，或二十一篇，或二十二卷，醇駁互見，然今世唯韋書盛行。爰攬摭諸家，擷其粹美，采其精懿，而補苴之。其紛歧譌舛不一者，從而折衷之。校讎竟，爲弁言冠首。

論曰：衰周之世，道術盪滅，宣聖西觀周室，論史記舊聞，而次春秋，左丘明采世成敗，上自周穆王，下至魯悼公，綜周魯齊鄭楚吳越八國之史乘，爲國語。韋氏序之，以謂『包羅天地，探測禍福，發幽微，表善惡，昭然明甚，實與經藝』

並陳，非諸子倫比也。遭秦亂，幽而復光，賈生史遷，頗綜述焉。『昭洵能發明左氏微意矣。』

是故究觀終始，抉擇幽眇，可約舉其旨趣焉。其中若祭公諫穆王，邵公告厲王，見周室之危殆。晉文請隧，見諸侯僭侈。季文子，妾不衣帛，馬不食粟，文伯母效績，見勤儉興治。與康子闡門言，明男女之別。管子對桓公，遊聘召賢，甲盾金矢贖罪，明齊致霸。郭偃對文公，史伯對桓公，明晉鄭之興。至若武子擊范文子，明尊卑也。胥臣舉冀缺，司馬侯舉羊舌肸，昭薦賢也。叔向諷平公，趙文子因張老止囂，叔向賀貧，范文子問具敖，魏獻子辭梗陽，賢者改過之風也。又若屈建去芟，違命合道。夫差許越伐齊，申胥鳴夷，沈江，吳遂以亡。勾踐用文種，葬死問傷，人民以蕃，越遂以霸。覽觀當世之事，考鏡得失，知盛衰之由矣。

故有內傳，而述聖尊王之義明；有外傳，而列邦之時勢，與政教廢興之迹。

著。雖嬴秦焚坑煨缺，至乎漢，而有賈董鄭衆崛起，湛深經術，蔚爲文景之郅治。豈非賢聖道統相承，遞嬗流衍之功烈也哉！方今文學彫弊，深瞶世變，亟思補救之方，學者於訓義章句，固不容忽；亦毋庸循經生積習，侈談漢儒家法，轉茫昧經旨也。索居黥陋，又自慙，尠所發明，姑備學者揚摧云爾。

葉玉麟 廿二年三月 上海

目次

周語第一

穆王將征犬戎·····	一
恭王遊於涇上·····	八
厲王虐國人謗王·····	一〇
魯武公以括與戲見王·····	一四
晉文公既定襄王於郊·····	一六
秦師將襲鄭·····	二一
景王將鑄大錢·····	二三

景王既殺下門子……………二八

魯語第二

魯饑……………三〇

莒太子僕弑紀公……………三三

季文子相宣成……………三五

季桓子穿井……………三七

季康子問於公父文伯之母……………三九

公父文伯之母如季氏……………四〇

公父文伯退朝……………四二

公父文伯之母……………四五

齊語第三

桓公欲從事於諸侯……………四六

桓公問……………四八

晉語第四

武公伐翼……………五〇

獻公伐驪戎……………五二

獻公田……………五五

公作二軍……………五七

優施教驪姬夜半而泣……………六一

反自稷桑……………六五

惠公入而背外內之賂……………七〇

元年春……………七二

文公問於郭偃·····	七五
文公問於胥臣·····	七六
臼季使舍於冀野·····	八一
陽處父如衛·····	八三
宋人弑昭公·····	八六
范文子暮退於朝·····	八九
趙文子冠·····	九〇
悼公與司馬侯升臺·····	九四
叔魚生·····	九五
平公射鵝不死·····	九七
趙文子爲室·····	九九

叔向見韓宣子……………一〇一

范獻子聘於魯……………一〇四

董叔將娶於范氏……………一〇五

梗陽人有獄……………一〇六

趙簡子歎……………一〇八

智宣子將以瑤爲後……………一一〇

智襄子爲室美……………一一二

還自衛……………一一四

鄭語第五

桓公爲司徒……………一一七

楚語第六

屈到嗜芰……………一三五

左史倚相延見申公子亹……………一三七

司馬子期欲以妾爲內子……………一四〇

鬬且延見令尹子常……………一四二

吳語第七

吳王夫差既許越成……………一四六

吳王還自伐齊……………一五〇

吳王夫差既殺申胥……………一五三

越語第八

越王勾踐棲於會稽之上……………一五七

周語第一

穆王將征犬戎

穆王○將征犬戎，○祭公謀父○諫曰：「不可，先生耀德不觀兵。」○夫兵戢而時動，動則威；○觀則玩，玩則無震。○是故周文公之頌曰：○「載戢干戈，載櫜弓矢。」○我求懿德，肆于時夏，○允王保之。」○先王之於民也，懋○正其德，而厚其性；○阜其財求，○而利其器用。○明利害之鄉，○以文○修之，使務利而避害，懷德而畏威，故能保○世以滋○大。

○穆王，名滿，昭王之子，康王之孫。

○征者，正也，上討下之稱。犬戎，即畎夷，一作昆夷，在今陝西鳳

翔縣北。○祭，去聲（山劣），父，上聲（亡父），祭，國名，謀父，字也，爲王卿士。今河南開封縣東北，有祭伯城。④耀，明也。觀，示也。明德，尚道化也。不示兵者，有大罪惡，然後致誅，不以小小示威武也。

⑤戢，聚也。威，畏也。時動，因時而動。⑥玩，黷也。震，懼也。⑦周文公，周公旦之諡。頌，時邁之詩也。

武王克商，周公爲作此詩，巡守告祭之樂歌也。⑧載，則也。干，楯也。戈，形似戟，直刃旁有小刃橫出

平向者。囊，音高（《幺》）韜也。言天下已定，聚斂其干戈，韜藏其弓矢，示不復用也。⑨懿，美也。雖

陳也。時是也。夏大也。言武王常求美德，故陳其功，示於是夏而歌之。樂章大者曰夏。⑩允，信也；信

武王能保此時夏之美也。⑪懋，勉也。⑫性，情性也。⑬阜，大也。大其財求，不障瘞也。⑭器，兵

甲也。用耒耜之屬。⑮鄉，去聲（丁一尤），方也，示之以好惡也。⑯文，謂禮法也。⑰保，守也。

⑱滋，益也。

一昔我先王世后稷，○以服事虞夏。○及夏之衰也，棄稷不務，○我先王

不密，用失其官。④而自竄于戎狄之間。⑤不敢怠業，⑥時序其德，纂修其緒，⑦

修其訓典，⑧朝夕恪勤，守以敦篤，奉以忠信。弈世載德，不忝前人。⑨至于武王，

④昭前之光明，而加之以慈利。事神保⑤民，莫弗欣喜。商王帝辛，⑥大惡於民，
⑦庶民不忍，⑧欣戴武王，⑨以致戎于商牧。⑩是先王非務武也，勤恤民隱而
除其害也。⑪

①后君也，稷田正也，父子相繼曰世，謂棄與不密也。（按：萬歷閔氏本，儲本此句皆作「昔我先世
后稷」，非是。今依明道本多一「王」字。）②謂棄爲舜稷官，其子不密——密，音緇（ㄘㄨㄣˊ），
爲夏稷官也。③謂夏帝太康，廢棄稷官，不務農事也。④太康廢稷官，故不密因之亦失其
官職也。⑤竄，音串（ㄘㄨㄢˋ），匿也。不密失官，乃歸處於郃，郃在今陝西武功縣南，古戎狄地，故
云。⑥謂猶不敢懈怠其事業也。⑦篡，繼也。緒，事也。⑧訓，教也，典，法也；修其教訓法制也。⑨
弈世累世也。載，成也。忝，辱也。⑩武王，文王子，名發。⑪保，養也。⑫商王紂，帝乙之子，名辛。
⑬惡，音汗（ㄒㄩㄣˋ），去聲。大惡于民，謂大爲衆民所惡也。⑭忍，耐也。不忍，謂庶民不復能耐紂之暴虐
也。⑮戴，奉也；歡欣奉戴武王也。⑯戎，兵戎也。商牧，商郊牧野也。今河南汲縣是其地。⑰恤，憂

也，隱痛也；言先王非專務武事，在憂恤民之痛苦，而爲之除害也。

「夫先王之制：邦內甸服，○邦外侯服，○侯衛賓服，○夷蠻要服，○狄
荒服；○甸服者祭，○侯服者祀，○賓服者享，○要服者貢，○荒服者王；○日祭，
○月祀，○時享，○歲貢，○終王；○先王之訓也。有不祭則修意，○有不祀則修
言，○有不享則修文，○有不貢則修名，○有不王則修德，○序成而有不至則
修刑。○於是乎有刑不祭，伐不祀，征不享，讓○不貢，告不王。○於是乎有刑罰
之辟，○有攻伐之兵，○有征討之備，○有威讓之令，○有文告之辭。○布令陳
辭而又不至，則增修於德，而無勤民於遠。○是以近無不聽，遠無不服。今自大
畢伯仕○之終○也，犬戎氏以其職來王。○天子曰：『予必以不享征之，且觀
之兵。』○其無乃廢先王之訓，而王幾頓○乎！吾聞夫犬戎樹惇，○帥舊德而

守終純固，^⑤其有以禦^⑥我矣。」王不聽，遂征之，得四白狼四白鹿以歸，^⑦自是荒服者不至。^⑧

○邦內，天子邦畿之內，千里之地也。詩商頌曰：「邦畿千里，維民所止。」甸，音殿（勿一馬）王田也。書禹貢曰：「五百里甸服。」——規方千里之內，謂之甸服，爲天子服治田，去王城面五百里，——服，服其職業也。○邦畿之外五百里，曰侯服。書禹貢曰：「五百里侯服。」侯，候也；主爲斥候，而服事天子也。○此總言之也。侯，侯圻也。——圻，音祈（く一）界也。——衛，衛圻，言自侯圻甸圻男圻采圻以至衛圻，凡五圻。圻各五百里，共二千五百里，皆中國之界也，謂之賓服，以其常以服貢賓見於王也。○蠻蠻圻，夷夷圻也。蠻圻在衛圻之外，去王城三千五百里，九州之界也。夷圻去王城四千里，謂之要服，要者，要結好信，而服從也。要，音邀，平聲。（按：各本多作蠻夷要服，今依明道本作夷蠻。）○戎狄去王城四千五百里，至五千里也。四千五百里爲鎮圻，五千里爲蕃圻。在九州之外，荒裔之地，與戎狄同俗，故謂之荒，荒忽無常之言也。○祭，供日祭也。○禘，供月祀也。○享，供時享也。享，獻也。周禮：「甸圻二歲而見，男圻三歲而見，采圻四歲而見，衛圻五歲而見，其見也，」